

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 3 APRIL 2017, PUKUL 10.00 PAGI

Bil. 17

PERTANYAAN-PERTANYAAN BAGI JAWAB LISAN

1. PR-1351-L00126
Dato' Dr. Noraini Binti Ahmad [Parit Sulong] minta **MENTERI PEMBANGUNAN WANITA, KELUARGA DAN MASYARAKAT** menyatakan statistik terkini jumlah kanak-kanak yang dilaporkan hilang dari tahun 2016 sehingga kini dan bagaimana pihak Kementerian melihat ancaman Pedophilia ini sebagai suatu ancaman yang serius di negara kita.
2. PR-1351-L00560
Dato' Kamarul Baharin Bin Abbas [Telok Kemang] minta **MENTERI KESIHATAN** menyatakan :-
 - (a) usaha Kementerian dalam memberikan penerangan berkaitan suntikan vaksin yang telah dilaporkan oleh pakar-pakar perubatan dalam beberapa artikel sebagai bahaya dan mengakibatkan kesan sampingan; dan
 - (b) cadangan penubuhan Vaccine Safety Commission bagi tujuan pengawalan vaksin seperti mana yang wujud di Amerika Syarikat untuk menentukan dan memastikan kegunaan vaksin secara selamat.
3. PR-1351-L00790
Dato' Ahmad Fauzi Bin Hj Zahari [Setiawangsa] minta **MENTERI PENDIDIKAN TINGGI** menyatakan apakah langkah dan tindakan yang telah diambil bagi memastikan kes-kes kelulusan akademik palsu terutamanya Ijazah Kedoktoran (PHD) yang semakin menjadi-jadi ketika ini dapat dibanteras.

4. PR-1351-L00328
Dr. Che Rosli Bin Che Mat [Hulu Langat] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan adakah pemilikan saham Syarikat Tempatan sudah dibuka tanpa batas kepada Syarikat Asing dalam usaha merancakkan lagi perdagangan dalam negara.
5. PR-1351-L00250
Dato' Sri Hasan Bin Arifin [Rompin] minta **MENTERI KEWANGAN** menyatakan apakah ratio hutang isi rumah (house hold debt) berbanding dengan normal GDP Growth untuk tempoh 5 tahun (2012 sehingga 2016) dan apakah langkah-langkah yang dilakukan oleh Kerajaan bagi mengurangkan tabiat pengguna yang suka untuk meminjam untuk tujuan bukan keperluan.
6. PR-1351-L(5)01400
Tuan Loke Siew Fook [Seremban] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan secara terperinci senarai pemaju projek perumahan yang diberikan Tempoh Lanjutan Masa (Extension of Time) untuk menyiapkan projek mereka dari tahun 2013 sehingga kini.

[Pertanyaan di bawah PM.22(5)]

7. PR-1351-L00098
Dato' Dr. Haji Noor Azmi Bin Ghazali [Bagan Serai] minta **MENTERI SUMBER ASLI DAN ALAM SEKITAR** menyatakan apakah Kerajaan merancang untuk mengenal pasti kawasan sensitif seperti LPT, Gerik dan Jeli dan mewujudkan lintasan kehidupan liar serta memperbanyakkan peringatan kawasan lintasan hidupan liar untuk mengurangkan pelanggaran spesies yang terancam ini.
8. PR-1351-L00148
Dr. Michael Jeyakumar Devaraj [Sungai Siput] minta **MENTERI KESIHATAN** menyatakan bilangan doktor pakar dalam Kementerian Kesihatan dengan pecahan pada mereka yang berpengalaman kurang daripada 5 tahun, berpengalaman 6 hingga 15 tahun dan berpengalaman lebih daripada 15 tahun selepas lulus peperiksaan kepakaran.
9. PR-1351-L01052
Datuk Jumat Bin Idris [Sepanggar] minta **PERDANA MENTERI** menyatakan apakah langkah strategik ESSCOM dalam menjamin keselamatan para nelayan daripada menjadi mangsa serangan pengganas di perairan Sabah.
10. PR-1351-L(5)01399
Puan Teo Nie Ching [Kulai] minta **MENTERI PENDIDIKAN** menyatakan syarat-syarat untuk membuka kelas bahasa Tamil dan Cina di sekolah kebangsaan dalam waktu sekolah dan kenapa masih ada permintaan untuk membuka kelas bahasa ibunda yang tidak dilayan oleh pihak sekolah.

[Pertanyaan di bawah PM.22(5)]

11. PR-1351-L00023
Datuk Haji Shabudin Bin Yahaya [Tasek Gelugor] minta **MENTERI SUMBER ASLI DAN ALAM SEKITAR** menyatakan apakah pendirian Kerajaan Persekutuan terhadap cadangan penambakan laut bagi pembinaan tiga buah pulau buatan di Pulau Pinang yang dikhuatiri menjejaskan ekosistem serta sumber pendapatan nelayan setempat.
12. PR-1351-L00763
Tuan Nik Mohamad Abduh Bin Nik Abdul Aziz [Pasir Mas] minta **MENTERI PENDIDIKAN** menyatakan statistik pelajar sekolah dari seluruh Malaysia yang terlibat dengan aktiviti penyalahgunaan dadah.
13. PR-1351-L00283
Ir. Shaharuddin Bin Ismail [Kangar] minta **MENTERI SUMBER ASLI DAN ALAM SEKITAR** menyatakan apakah langkah serta usaha yang diambil oleh pihak Kementerian dalam membendung daripada berlakunya pencemaran sungai antaranya Sungai Jernih serta Sungai Chuping dan apakah persediaan Kementerian bagi mengelakkan masalah pencemaran dapat diselesaikan dalam masa yang terdekat.
14. PR-1351-L01224
Dr. Ko Chung Sen [Kampar] minta **MENTERI KESIHATAN** menyatakan :-
 - (a) jumlah wang yang dijangka dikutip dari pesakit hospital kerajaan tahun ini berbanding beberapa tahun lepas memandangkan pelbagai bayaran baru yang diperkenalkan ; dan
 - (b) sama ada wang yang dikutip ini akan disalurkan semula kepada Kementerian Kesihatan untuk membeli lebih banyak ubatan untuk pesakit.
15. PR-1351-L00194
Tan Sri Datuk Seri Panglima Haji Annuar Bin Musa [Ketereh] minta **MENTERI PERDAGANGAN ANTARABANGSA DAN INDUSTRI** menyatakan kesediaan Kementerian bagi mewujudkan permit import (AP) khas kepada produk yang mempunyai unsur tidak halal seperti babi dan sebagainya dan apakah kekangan bagi melaksanakannya.
16. PR-1351-L01344
Tuan Manivannan A/L Gowindasamy [Kapar] minta **MENTERI PENDIDIKAN TINGGI** menyatakan sama ada Kerajaan Persekutuan berhasrat untuk memperketatkan syarat kemasukan kursus perubatan dalam institut pengajian tinggi, seperti yang dicadangkan oleh Majlis Perubatan Malaysia (MMC). Apakah kriteria yang digunapakai oleh Kerajaan Pusat untuk seseorang pelajar berjaya mendapat tawaran untuk melanjutkan pendidikan dalam bidang perubatan di universiti tempatan; dan

17. PR-1351-L00666
Dato' Ir. Nawawi Bin Ahmad [Langkawi] minta **MENTERI DALAM NEGERI** menyatakan sejauh manakah keberkesanan sistem pendaftaran tunggal dalam talian pekerja asing yang diperkenalkan bagi membantu menangani masalah pemerdagangan manusia dan penganiayaan terhadap pekerja asing.
18. PR-1351-L00321
Dato' Takiyuddin Bin Hassan [Kota Bharu] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) berapakah kadar pertumbuhan kependudukan Malaysia dalam tempoh 30 tahun kebelakangan ini; dan
 - (b) adakah Dasar Kependudukan Malaysia Ke Arah 70 Juta penduduk masih diteruskan oleh Kerajaan Malaysia.
19. PR-1351-L00917
Datuk Rozman Bin Isli [Labuan] minta **MENTERI PERTANIAN DAN INDUSTRI ASAS TANI** menyatakan adakah Kementerian menyediakan sebarang skim atau bantuan supaya dapat memperhebatkan lagi penternakan madu kelulut yang mempunyai permintaan tinggi di peringkat antarabangsa serta bagaimanakah Kementerian dapat memastikan hasil madu kelulut dapat dijadikan sebagai "superfood" Malaysia.
20. PR-1351-L00377
Laksamana Pertama Haji Mohamad Imran Bin Abd Hamid (B) [Lumut] minta **MENTERI PERTAHANAN** menyatakan mengapa banyak perjawatan jururawat awam di Hospital Angkatan Tentera Pengkalan TLDM tidak diisi sehingga menjejaskan operasi wad wanita, kanak-kanak dan ICU.
21. PR-1351-L01128
Dato' Haji Ahmad Nazlan Bin Idris [Jerantut] minta **PERDANA MENTERI** menyatakan apakah usaha yang dijalankan oleh Kerajaan di dalam memberi penerangan kepada rakyat berkaitan RUU355 kepada masyarakat umum agar persepsi negatif yang cuba diwujudkan oleh sesetengah pihak dapat ditangkis dan diperbetulkan.
22. PR-1351-L00575
Tuan Shamsul Iskandar @ Yusre Bin Mohd Akin [Bukit Katil] minta **MENTERI PERDAGANGAN ANTARABANGSA DAN INDUSTRI** menyatakan adakah Kerajaan bersedia kehilangan entiti "Nasional" bila mana PROTON bersedia menjual 51 peratus ekuiti kepada pihak "Asing", iaitu pelabur dari luar negara.

23. PR-1351-L01023
Tan Sri William Mawan Ikom [Saratok] minta **PERDANA MENTERI** menyatakan adakah Kerajaan bercadang untuk meminda Akta Majlis Parlimen (Keistimewaan dan Kuasa) 1952 (Akta 347) bagi melindungi integriti Parlimen terutama peruntukan hukuman dalam seksyen 9 Akta 347 memandangkan bahawa pada masa ini institusi Parlimen kerap dihina (contempt) oleh pihak-pihak yang tidak bertanggungjawab.
24. PR-1351-L00659
Dato' Seri Dr. Wan Azizah Bin Wan Ismail [Permatang Pauh] minta **MENTERI LUAR NEGERI** menyatakan status terkini secara terperinci berhubung kehadiran Tentera Laut China di Kepulauan Spratly yang masih menjadi pertikaian.
25. PR-1351-L00600
Tuan Nga Kor Ming [Taiping] minta **MENTERI DALAM NEGERI** menyatakan setakat 31 Januari, 2017 berapakah jumlah sebenar bilangan paspot Malaysia yang diluluskan dan berapakah orang disenarai hitam dilarang keluar dari negara ini.
26. PR-1351-L00815
Puan Rubiah Binti Haji Wang [Kota Samarahan] minta **PERDANA MENTERI** menyatakan pencapaian 9 cabaran Wawasan 2020 dan program flagship yang berkaitan dengannya sehingga kini.
27. PR-1351-L00820
Tuan Ignatius Dorell Leiking [Penampang] minta **PERDANA MENTERI** menyatakan secara terperinci apakah projek-projek pembangunan yang diluluskan di kawasan Penampang sejak 2013 hingga ke hari ini dan adakah benar bahawa kawasan Penampang tidak diberi perhatian pembangunan sebab kawasan tersebut diwakili oleh Wakil Rakyat pembangkang.
28. PR-1351-L00465
Datuk Raime Bin Unggi [Tenom] minta **MENTERI PELANCONGAN DAN KEBUDAYAAN** menyatakan asas-asas yang membolehkan Malaysia memberi tumpuan kepada industri eko pelancongan selaras dengan dasar Organisasi Pelancongan Dunia Pertubuhan Bangsa-Bangsa Bersatu (UNWTO).
29. PR-1351-L01194
Dato' Seri Dr. Muhammad Leo Michael Toyad Abdullah [Mukah] minta **MENTERI PENGANGKUTAN** menyatakan apakah langkah Kementerian dalam mengatasi masalah "perang harga tambang" dalam kalangan syarikat penerbangan tambang murah tempatan bagi mencapai sasaran faktor muatan dan trafik, agar dapat memberi ruang kepada Malaysia Airlines Berhad (MAB) untuk terus bersaing dengan lebih kompetitif.

30. PR-1351-L01068
Puan Hajah Fuziah Binti Salleh [Kuantan] minta **PERDANA MENTERI** menyatakan :-
- (a) jumlah pembelian Perumahan Rakyat 1Malaysia (PR1MA) yang juga memohon skim pembiayaan akhir mengikut pakej pinjaman pada tahun permulaan projek sehingga kini mengikut pendapatan pemohon. ; dan
 - (b) jumlah pemohon khusus dari kawasan Parlimen Kuantan.
31. PR-1351-L00971
Tuan Chong Chieng Jen [Bandar Kuching] minta **MENTERI KERJA RAYA** menyatakan dengan terperinci berkenaan harga kontrak bagi setiap pakej dalam projek penaiktarafan Pan Borneo Highway di negeri Sarawak. Apakah jangkamasa pelengkapan dan status kemajuan semasa (sehingga 1 Mac 2017) bagi setiap pakej tersebut.
32. PR-1351-L00445
Tuan N. Surendran A/L K. Nagarajan [Padang Serai] minta **MENTERI DALAM NEGERI** menyatakan sama ada Kerajaan bercadang untuk memansuhkan hukuman rotan di Malaysia bagi kesalahan-kesalahan Imigresen.
33. PR-1351-L00037
Dato' Sri Bung Moktar Bin Radin [Kinabatangan] minta **PERDANA MENTERI** menyatakan tentang pelan pembangunan masa hadapan negara khususnya di daerah Kinabatangan bersesuaian dengan kawasan terbesar penanaman kelapa sawit dan status terpencil di luar bandar.
34. PR-1351-L01330
Dato' Haji Mohd Fasiah Bin Mohd Fakeh [Sabak Bernam] minta **MENTERI PERTANIAN DAN INDUSTRI ASAS TANI** menyatakan langkah Kerajaan bagi memperkasakan sektor pertanian supaya menjadi penyumbang utama ekonomi negara dan berkembang seiring dengan pembangunan negara termasuk menjamin bekalan makanan yang mencukupi dan selamat.
35. PR-1351-L00891
Dato' Hajah Normala Bt Abdul Samad [Pasir Gudang] minta **PERDANA MENTERI** menyatakan berapakah jumlah ubat bukan racun (Over-The-Counter, OTC) yang telah berdaftar dengan Jabatan Kemajuan Islam Malaysia (JAKIM) bagi pensijilan halal. Memandangkan penggunaan logo halal adalah secara voluntari, apakah tindakan KKM bagi menggalakkan pensijilan halal untuk ubat OTC dan adakah KKM mempunyai perancangan untuk mewajibkan pensijilan halal bagi ubat OTC.

36. PR-1351-L00603
Dato' Mohd Ariff Sabri Bin Abdul Aziz [Raub] minta **MENTERI DALAM NEGERI** menyatakan :-
- (a) bagaimana seorang yang didapati bersalah seperti Sirul Azhar boleh terlepas keluar negara; dan
 - (b) apakah langkah yang diambil oleh Kerajaan untuk membawa balik Sirul Azhar.
37. PR-1351-L00073
Datuk Noor Ehsanuddin Bin Mohd Harun Narrashid [Kota Tinggi] minta **PERDANA MENTERI** menyatakan adakah Kerajaan bercadang untuk memperkasakan Unit Integriti dan Pelan Pengurusan Risiko (PPR) bagi mencegah berlakunya kes salah laku di kalangan penjawat awam yang semakin berleluasa daripada berulang kembali.
38. PR-1351-L00099
Datuk Abd Rahim Bin Bakri [Kudat] minta **MENTERI PENDIDIKAN** menyatakan bilakah Kementerian bercadang untuk membina asrama kepada pelajar SMK Pinggan-Pinggan, Pitas. Pelajar luar bandar yang tinggal dari tempat jauh terpaksa menumpang atau menyewa rumah orang dan ini menimbulkan pelbagai masalah dan bebanan kepada ibu bapa miskin luar bandar.
39. PR-1351-L00886
Puan Nurul Izzah Binti Anwar [Lembah Pantai] minta **MENTERI DALAM NEGERI** menyatakan :-
- (a) jumlah kes buli dan gangguan seksual di sekolah mengikut negeri, jantina dan kaum dari tahun 2013 hingga Januari 2017; dan
 - (b) berapakah jumlah kes pendakwaan dibawa ke mahkamah ke atas mangsa buli dan gangguan seksual dari tahun 2013 hingga 2017.
40. PR-1351-L00835
Tuan Lim Lip Eng [Segambut] minta **MENTERI DALAM NEGERI** menyatakan jumlah rakyat Malaysia yang terlibat dalam aktiviti keganasan di luar negara dan mengapa kewarganegaraan mereka tidak dibatalkan.
41. PR-1351-L01059
Tuan Hee Loy Sian [Petaling Jaya Selatan] minta **MENTERI KEWANGAN** menyatakan akibat yang lebih buruk terhadap Proton Holdings Berhad (Proton) selepas kesanggupan kerajaan membenarkan pegangan ekuiti 51 peratus kepada pengusaha otomobil negara asing terutama daripada negara China.

42. PR-1351-L00853
Tuan Liew Chin Tong [Kluang] minta **MENTERI KESIHATAN** menyatakan keputusan Laporan Jawatankuasa Siasatan Bebas mengenai kejadian kebakaran Hospital Sultanah Aminah Johor Bahru pada 25 Oktober 2016, dan sama ada kerajaan akan mengumumkan laporan penuh untuk makluman rakyat.
43. PR-1351-L00384
Datuk Linda Tsen Thau Lin @ Linda [Batu Sapi] minta **PERDANA MENTERI** menyatakan strategi untuk mengetatkan pengawalan keselamatan di Pantai Timur Sabah yang masih diancam oleh lanun dan penculik dari negara lain.
44. PR-1351-L01065
Dr. Ong Kian Ming [Serdang] minta **MENTERI TENAGA, TEKNOLOGI HIJAU DAN AIR** menyatakan sebab projek "solar farm" sebanyak 150MW diberikan kepada Quantum Solar Park walaupun syarikat-syarikat dalam konsortium ini tidak mempunyai pengalaman dalam pemasangan dan penyelenggaraan panel solar.
45. PR-1351-L00416
Tuan Zairil Khir Johari [Bukit Bendera] minta **MENTERI PENDIDIKAN** menyatakan status janji pilihan raya lalu untuk melaksanakan projek 1 Murid 1 Peranti.
46. PR-1351-L00857
Tuan Wong Sze Phin @ Jimmy [Kota Kinabalu] minta **MENTERI TENAGA, TEKNOLOGI HIJAU DAN AIR** menyatakan anggaran kos untuk projek Empangan Tawau. Apakah status projek Empangan Tawau sekarang dan bilakah projek ini dapat dimulakan dan bila akan siap.
47. PR-1351-L00870
Dr. Izani Bin Husin [Pengkalan Chepa] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah status Akta Kawalan Harga dan Anti Pencatutan 2011 yang dikatakan telah tamat tempoh kuatkuasanya pada 31 Disember 2016.
48. PR-1351-L01148
Tuan Ahmad Marzuk Bin Shaary [Bachok] minta **MENTERI PENGANGKUTAN** menyatakan laporan kajian yang dibuat ke atas perkhidmatan teksi motorsikal Dego Ride. Apakah kerajaan tidak bercadang memajukan perkhidmatan ini bagi membuka lebih banyak peluang pendapatan dan kemudahan kepada golongan B40.
49. PR-1351-L01334
Tuan Sivakumar Varatharaju Naidu [Batu Gajah] minta **PERDANA MENTERI** menyatakan kedudukan kewangan PETRONAS. Apakah anggaran pendapatan dan perbelanjaan PETRONAS bagi tahun 2017.

50. PR-1351-L00548
Dr. Azman Bin Ismail [Kuala Kedah] minta **MENTERI KESIHATAN** menyatakan jumlah kes Tuberculosis di Malaysia bagi 3 tahun yang terakhir. Berapakah kes TB yang kebal antibiotik bagi tahun-tahun tersebut dan apa rancangan Kementerian bagi mengatasi masalah kuman TB kebal antibiotik.
51. PR-1351-L00726
Tuan Lim Kit Siang [Gelang Patah] minta **PERDANA MENTERI** menyatakan sama ada Suruhanjaya Pencegahan Rasuah Malaysia (SPRM) masih cuba mengesan tiga individu berkaitan dengan penyelewengan dana SRC International iaitu Nik Faisal Ariff Kamil, Datuk Suboh Md Yassin dan Low Taek Jho.
52. PR-1351-L00611
Dato' Sri Hasan Bin Malek [Kuala Pilah] minta **MENTERI LUAR NEGERI** menyatakan iaitu walaupun Malaysia tidak lagi menduduki kerusi Ahli Tidak Tetap Majlis Keselamatan PBB, apakah peranan yang boleh dimainkan oleh Malaysia untuk memastikan Israel mematuhi Resolusi 2334 ke arah menghentikan sebarang aktiviti penempatan haram di Palestin dan Jerusalem.
53. PR-1351-L(5)01396
Tuan Sivakumar Varatharaju Naidu [Batu Gajah] minta **MENTERI PELANCONGAN DAN KEBUDAYAAN** menyatakan inisiatif-inisiatif Kerajaan untuk mempromosikan Lembah Bujang, Kedah. Berapakah wang yang telah dibelanjakan untuk menaik taraf dan menyediakan infrastruktur serta kemudahan-kemudahan lain untuk pelancong-pelancong yang melawat Lembah Bujang.

[Pertanyaan di bawah PM.22(5)]

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kewangan**

- * Rang Undang-Undang Cukai Aktiviti Perniagaan Labuan (Pindaan) 2017.

2. **Menteri Di Jabatan Perdana Menteri**

- * Rang Undang-Undang Kanun Keseksaan (Pindaan) 2017.

3. **Menteri Perdagangan Dalam Negeri, Koperasi dan Kepenggunaan**

- * Rang Undang-Undang Perlindungan Pengguna (Pindaan) 2017.

4. **Menteri Pembangunan Wanita, Keluarga dan Masyarakat**

- * Rang Undang-Undang Keganasan Rumah Tangga (Pindaan) 2017.

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

- | | | | |
|----|---|---|-------------------------------|
| 1. | (D.R. 6/2017) | Rang Undang-Undang Kesalahan-Kesalahan Seksual terhadap Kanak-Kanak 2017 | Bacaan Kali Yang Kedua |
| | | [Menteri di Jabatan Perdana Menteri] | |
| 2. | (D.R. 3/2017) | Rang Undang-Undang Perdagangan Strategik (Pindaan) 2017 | “ |
| | | [Menteri Perdagangan Antarabangsa Dan Industri] | |
| 3. | (D.R. 2/2017) | Rang Undang-Undang Institusi Pendidikan Tinggi Swasta (Pindaan) 2017 | “ |
| | | [Menteri Pendidikan Tinggi] | |
| 4. | (D.R. 7/2017) | Rang Undang-Undang Agensi Pekerjaan Swasta (Pindaan) 2017 | “ |
| | | [Menteri Sumber Manusia] | |
| 5. | (D.R. 25/2016) | Rang Undang-undang Setem (Pindaan) 2016 | “ |
| | | [Menteri Kewangan] | |
| 6. | (D.R. 20/2016) | Rang Undang-undang Membaharui Undang-undang (Perkahwinan dan Perceraian) (Pindaan) 2016 | “ |
| | | [Menteri di Jabatan Perdana Menteri] | |
| 7. | Menteri Dalam Negeri akan mencadangkan :- | | |
| | “Bahawa Majlis ini membuat suatu ketetapan menurut sub-seksyen 4(11), Akta Kesalahan Keselamatan (Langkah-langkah Khas) 2012 supaya sub- seksyen 4(5), Akta ini hendaklah terus berkuatkuasa bagi tempoh 5 tahun lagi mulai dari 31 Julai 2017”. | | |
| 8. | Menteri Kewangan akan mencadangkan:- | | |
| | “Bahawa mengikut Seksyen 5, Akta Persatuan Pembangunan Antarabangsa 1960 (Akta 431), Dewan ini mengambil ketetapan bahawa sumbangan Malaysia sebanyak USD27,000,000.00 kepada Program Penambahan Dana Ke 18 Persatuan Pembangunan Antarabangsa (IDA) diluluskan”. | | |

9. **Menteri Kewangan akan mencadangkan:-**

“Bahawa mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM20,500 juta wang terimaan Terbitan Pelaburan Kerajaan Malaysia (MGII) di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut”.

10. **Dato' Seri Abdul Hadi bin Awang [Marang] akan mencadangkan:-**

“Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

Pindaan Seksyen 2

Akta Mahkamah Syariah (Bidang Kuasa Jenayah) 1965 [Akta 355] dipinda dalam proviso kepada seksyen 2 dengan menggantikan perkataan “***penjara selama tempoh melebihi tiga tahun atau denda melebihi lima ribu ringgit atau sebatan melebihi enam kali*** “ dengan perkataan “***penjara selama tempoh melebihi tiga puluh tahun atau denda melebihi satu ratus ribu ringgit atau sebatan satu ratus kali sebagaimana ditadbir selaras dengan tatacara jenayah Syariah***”.

[Menteri di Jabatan Perdana Menteri]

11. R-1351-U(27)002
Dr. Tan Seng Giaw [Kepong] akan mencadangkan :-

Bahawa Dewan ini membahaskan masalah akibat penarikan Amerika Syarikat daripada TPPA.

[Menteri Perdagangan Antarabangsa Dan Industri]

12. PR-1351-U(27)003
Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa, pertumbuhan penduduk di daerah Putatan adalah begitu mendadak sekali dan ditokok tambah dengan pembangunan infrastruktur yang rancak seiring dengan statusnya sebagai satu daripada daerah yang rancak membangun di negeri Sabah khasnya.

Dan mengambil maklum juga bahawa, dewasa ini, isu masalah sosial, keselamatan sosial serta ketenteraman sosial menjadi topik bualan harian di kalangan warga Putatan. Setiap hari ketiga-tiga topik ini akan kedengaran malah menjadi kegusaran bagi warga Putatan kerana kehadiran anggota

keselamatan yang amat kurang disebabkan cadangan pewujudan dan pembinaan ibu pejabat polis daerah Putatan telah lama tertangguh.

Dan mengambil maklum juga bahawa ketika ini, isu masalah sosial, keselamatan sosial serta ketenteraman sosial di Putatan adalah di bawah pentadbiran Ibu Pejabat Polis Daerah Penampang serta sebahagiannya di bawah pentadbiran Ibu Pejabat Polis Daerah Kota Kinabalu.

Mengambil maklum juga bahawa untuk menangani masalah sosial, keselamatan sosial serta ketenteraman sosial di daerah Putatan, hanya sebuah balai polis yang dianggotai kurang daripada 22 anggota dengan kelengkapan yang serba kekurangan, terpaksa berhempas pulas untuk menjaga daerah Putatan dengan keluasan 30km persegi dan berkepadatan penduduk melebihi 100 ribu orang.

Dan mengambil maklum juga bahawa, apabila berlakunya sesuatu jenayah atau kecemasan, ada kalanya ketibaan anggota keselamatan itu agak lewat kerana jarak tempat kejadian dengan IPD Penampang atau IPD Kota Kinabalu agak jauh dan mengambil masa untuk tiba.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan haruslah dengan segera meluluskan penubuhan dan pembinaan IPD Putatan lengkap dengan perjawatannya".

[Menteri Dalam Negeri]

13. PR-1351-U(27)004

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa Perkara 11 Perlembagaan Persekutuan Malaysia memberikan semua rakyatnya kebebasan beragama.

Dan mengambil maklum juga bahawa Perkara 8 Perlembagaan Persekutuan Malaysia menjamin kesamarataan hak untuk warganya bagi menjalani kehidupan harian mereka.

Dan mengambil maklum juga bahawa, Malaysia sebagai negara peneraju gerakan kesederhanaan global di bawah pimpinan YAB. Perdana Menteri, telah berjaya memahat nama di persada antarabangsa di mana Malaysia menjadi model penerimaan kepelbagaian agama dan kaum sebagai sumber kekuatannya.

Dan mengambil maklum juga bahawa, konsep penerimaan kepelbagaian agama dan bangsa melalui Gagasan 1Malaysia adalah model yang terbaik dalam mewujudkan keharmonian, kemakmuran dan perpaduan di negara ini.

Dan mengambil maklum juga bahawa Kerajaan pimpinan YAB. Perdana Menteri berjanji melalui manifesto Barisan Nasional pada PRU ke-13, untuk menyediakan lebih banyak bantuan kewangan kepada institusi-institusi agama berdaftar dan rumah-rumah ibadat.

Dan mengambil maklum dan contoh, bahawa Kerajaan Negeri Sabah dan Sarawak juga telah menyediakan dana khas dalam bajet tahunan mereka bagi maksud bantuan kewangan kepada institusi-institusi agama berdaftar dan rumah-rumah ibadat di negeri Sabah dan Sarawak.

Maka, bagi memenuhi aspirasi di atas dan rakyat bukan Islam khususnya, Dewan yang mulia ini hendaklah mengambil ketetapan bahawa Kerajaan Malaysia hendaklah menyediakan satu jumlah khas (dana) dalam bajet tahunan negara, bagi aktiviti institusi-institusi agama berdaftar dan rumah-rumah ibadat (bukan Islam)."

[Perdana Menteri]

14. PR-1351-U(27)005

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa, Orang Asli yang terdiri daripada suku Semang (Negrito), Senoi dan Proto Malay adalah Orang Asli yang tinggal di Semenanjung Malaysia dan juga merupakan penghuni tertua di Semenanjung Malaysia.

Dan mengambil maklum juga bahawa, walaupun Orang Asli adalah merupakan penduduk asli Semenanjung Malaysia dan disebut sebagai "Bumiputera", namun mereka tidak menikmati keistimewaan yang diberikan kepada kaum Melayu dan Bumiputera negeri Sabah dan Sarawak di mana mereka tidak diiktiraf sebagai Bumiputera di bawah Perkara 153 Perlembagaan Persekutuan Malaysia.

Dan mengambil maklum juga bahawa, walaupun Jabatan Hal Ehwal Orang Asli (JHEOA) telah ditubuhkan pada tahun 1954 dan pindaan ke atas beberapa akta, seperti Akta Orang Asli 1954 telah dibuat bagi membolehkan dan meningkatkan sosio budaya dan ekonomi Orang Asli, namun kedudukan mereka tidak banyak berubah disebabkan status kedudukan mereka dalam Perlembagaan negara adalah kurang jelas.

Dan mengambil maklum juga bahawa, sesuai dengan konsep 1Malaysia yang diterajui oleh YAB. Perdana Menteri, kedudukan Orang Asli di negara ini hendaklah diterima semua dan diberikan hak dan layanan sama rata.

Dan mengambil maklum juga bahawa Perkara 8 Perlembagaan Persekutuan Malaysia menjamin kesamarataan hak untuk warganya bagi menjalani kehidupan harian mereka, termasuklah kaum Orang Asli.

Maka, bagi menangani kepincangan ini, Dewan ini hendaklah mengambil ketetapan bahawa, Perkara 153 Perlembagaan Persekutuan Malaysia serta perkara-perkara yang berkaitan, hendaklah dipinda bagi membolehkan Orang Asli dikategorikan sebagai Bumiputera dan diberikan hak Bumiputera, seiringan dengan orang-orang Melayu dan kaum Bumiputera Sabah dan Sarawak."

[Perdana Menteri]

15. PR-1351-U(27)006

Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa, masalah setinggan di bandar adalah masalah yang saban hari makin meningkat kerana migrasi dari luar bandar ke bandar, terutama sekali untuk tujuan mencari pekerjaan.

Dewan ini hendaklah juga mengambil maklum bahawa migran ekonomi yang berpindah daripada luar bandar ke bandar ini adalah dari golongan yang kurang berkemampuan/berpendapatan rendah dan mereka tidak mampu untuk membeli atau memiliki rumah-rumah yang dibina oleh pihak pemaju atau PR1MA yang ada pada ketika ini, di mana kebanyakan mereka ini hanya mampu untuk membayar kadar sewaan di bawah RM350 sebulan.

Dan mengambil maklum juga bahawa, matlamat Kerajaan mensasarkan sifar setinggan terutama sekali di kawasan bandar adalah agak sukar untuk dicapai selagi masalah perumahan bagi migran yang dimaksudkan di atas tidak ditangani secara tuntas.

Dan mengambil maklum juga bahawa, Program Perumahan Rakyat (PPR) yang dahulunya untuk sewaan tanpa had masa dilihat sebagai satu langkah alternatif bagi mengatasi masalah setinggan di bandar dan sekali gus memberikan kumpulan sasar untuk menduduki rumah yang agak selesa. Tetapi malangnya, status PPR tersebut telah dipinda kepada status rumah transit untuk pendudukan untuk tempoh tidak melebihi lima (5) tahun.

Dan mengambil maklum juga bahawa Program Perumahan Rakyat atau PPR yang ada sekarang ini merupakan sumber alternatif bagi mengatasi masalah setinggan di bandar di mana rumah-rumah PPR ini diubah syarat daripada sewaan kepada sewa beli bagi membolehkan mereka yang dimaksudkan di atas untuk akhirnya memiliki rumah mereka sendiri.

Maka, bagi menangani masalah setinggan bandar dan kekurangan perumahan untuk golongan kurang mampu, Dewan ini hendaklah mengambil ketetapan bahawa Kerajaan hendaklah meminda syarat pendudukan rumah PPR di seluruh negara daripada bulanan kepada syarat sewa-beli.”

[Menteri Kesejahteraan Bandar, Perumahan Dan Kerajaan Tempatan]

16. PR-1351-U(27)007

Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa Chinese Independent School di Malaysia menjalankan taksiran peperiksaan persekolahan mereka melalui sijil yang dikenali sebagai Unified Examination Certificate (UEC) yang mana dibahagikan kepada tiga peringkat iaitu Unified Examination Certificate - Junior Middle (UEC-JML), Unified Examination Certificate Vocational (UEC-V) dan Unified Examination Certificate Senior Middle (UEC-SML).

Dan mengambil maklum juga bahawa, persijilan UEC telah pun diguna pakai dalam persekolahan oleh United Chinese School Committees Association of Malaysia sejak ianya diperkenalkan pada tahun 1975.

Dan mengambil maklum juga bahawa sijil UEC yang diperkenalkan oleh UCSCAM ini telah diiktiraf oleh universiti di serata negara seperti di United Kingdom, Amerika Syarikat, Taiwan, Hong Kong, China, Australia, Kanada, Singapura dan lain-lain negara.

Dan mengambil maklum juga bahawa malangnya, Kementerian Pendidikan dan Kementerian Pendidikan Tinggi Malaysia atau secara khususnya, Lembaga Akreditasi Negara tidak mengiktiraf sijil UEC ini terutama sekali bagi kemasukan ke universiti awam Malaysia, walau pun National University of Singapore yang berkedudukan tempat keempat universiti terbaik di dunia mengiktiraf sijil UEC ini.

Dan mengambil maklum juga bahawa dengan ketiadaan pengiktirafan yang dimaksudkan di atas, negara Malaysia secara tidak langsung mengalami kerugian yang besar di mana pemegang sijil UEC ini terpaksa meneruskan pendidikan tinggi mereka di luar negara di mana aliran wang keluar daripada negara ini dan juga kecenderungan lepasan sijil UEC ini untuk terus bekerja di luar negara adalah tinggi, di mana dalam hal ini negara Malaysia akan kerugian "aliran keluar" tenaga mahir ke luar negara.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan haruslah dengan segera mengiktiraf Sijil Unified Examination Certificate bagi manfaat negara."

[Menteri Pendidikan]

17. PR-1351-U(27)008

Datuk Dr. Makin @ Marcus Mojigoh [Putatan] akan mencadangkan :-

"Bahawa Dewan ini mengambil maklum bahawa kesan pemanasan global dan perubahan cuaca kini menjadi topik perbualan harian di seluruh pelosok dunia di mana ianya bukan lagi satu fenomena tetapi telah menjadi realiti yang mana setiap warga dunia mempunyai tanggungjawab untuk sama-sama melaksanakan langkah-langkah mitigasi bagi mengurangkan impaknya ke atas kehidupan manusia.

Dan mengambil maklum juga bahawa salah satu penyebab utama kedua-dua masalah di atas adalah akibat daripada kesan penebangan pokok-pokok disebabkan aktiviti ekonomi seperti pembukaan ladang dan sebagainya.

Dan mengambil maklum juga bahawa pihak berkuasa tempatan berperanan untuk mengambil bahagian dalam usaha untuk langkah mitigasi bagi mengatasi kedua-dua masalah di atas walaupun dalam bentuk kecil, dengan menanam lebih banyak pokok-pokok di seluruh kawasan seliaan mereka.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah meminta pihak berkuasa tempatan untuk segera menanam lebih banyak pokok-pokok di kawasan di bawah seliaan mereka di samping memperbanyakkan kempen menanam pokok untuk menyemai budaya menanam pokok di kalangan rakyat setempat.”

[Menteri Sumber Asli Dan Alam Sekitar]

18. PR-1351-U(27)009

Datuk Dr. Makin @ Marcus Mojigoh [Putatan] akan mencadangkan :-

“Bahawa Dewan ini mengambil maklum bahawa, bagi kawasan Dewan Undangan Negeri N.18 Petagas (Parlimen P.173 Putatan), hanya terdapat sebuah sekolah menengah sahaja iaitu Sekolah Menengah Kerajaan (SMK) Tansau, Putatan untuk menampung murid-murid keluaran lima (5) buah sekolah rendah yang terletak di kawasan yang sama.

Dan mengambil maklum juga bahawa, kerana kekurangan tempat di sekolah menengah, ramai murid daripada kawasan Dewan Undangan Negeri N.18 Petagas terpaksa meneruskan persekolahan menengah mereka di sekolah menengah di kawasan Dewan Undangan Negeri N.16 Luyang, N.17 Tanjong' Aru, N.19 Kapayan dan N.20 Moyog, di mana sekali gus meningkatkan kos persekolahan mereka daripada segi kos pengangkutan dan menyebabkan ketidakselesaan hidup rakyat.

Dan mengambil maklum juga bahawa cadangan pembinaan Sekolah Menengah Kerajaan (SMK) Petagas telah pun dirancang sejak Rancangan Malaysia Ke-Sembilan (RMK9) lagi dan disenaraikan semula dalam Rancangan Malaysia Ke-Sebelas (RMK11), namun sehingga kini belum terdapat sebarang keputusan tetap bagi permasalahan ini walau pun tapak bagi Sekolah Menengah Petagas serta infrastruktur asas seperti jalan raya telah pun tersedia.

Maka, bagi menangani masalah ini dan mendahulukan rakyat, Dewan yang mulia ini hendaklah mengambil ketetapan bahawa Sekolah Menengah Kerajaan (SMK) Petagas hendaklah dibina dan disiapkan dalam tempoh terdekat seperti yang telah dirancang terdahulu.”

[Menteri Pendidikan]

19. PR-1351-U(27)010

Dato' Kamarudin Bin Jaffar [Tumpat] akan mencadangkan :-

“Bahawa Dewan ini mengambil maklum akan cadangan untuk pembangunan semula kawasan Rumah Pangsa Sri Labuan dan pembangunan semula Zon 1 yang melibatkan Rumah Pangsa Sri Melaka, Sri Johor, Ikan Emas dan Sri Pulau Pinang di dalam kawasan Parlimen Bandar Tun Razak.

Dewan ini juga mengambil maklum kegelisahan majoriti penghuni di perumahan-perumahan yang terlibat akan masa depan mereka akibat daripada cadangan ini.

Maka Dewan ini mengambil kira suasana ini dan memutuskan bahawa segala cadangan pembangunan semula oleh Kementerian Wilayah Persekutuan di kawasan tersebut hendaklah mengambil kira perkara-perkara berikut:

- i . Mengadakan perbincangan dengan semua penghuni, iaitu pemilik dan penyewa selain daripada wakil-wakil blok dan persatuan-persatuan mereka;
- ii. Pihak DBKL mestilah dilibatkan dalam semua perbincangan dan keputusan, selain daripada pihak Kementerian;
- iii. Pemilihan pemaju mestilah ditentukan secara tender terbuka supaya penghuni dan pembeli mendapat tawaran terbaik; dan
- iv. Semua aspek pembangunan mestilah memberikan keselesaan kepada penghuni dengan mengambil kira ciri-ciri berikut:
 - a. Kepadatan setiap blok,
 - b. Keluasan unit
 - c. Kualiti pembinaan lif dan bahan binaan,
 - d . Kemampuan membayar yuran penyelenggaraan oleh pemilik selepas.

[Menteri Wilayah Persekutuan]

20. PR-1351-U(27)011

Dato' Kamarudin Bin Jaffar [Tumpat] akan mencadangkan :-

“Bahawa Dewan ini mengambil maklum dengan penuh kebimbangan akan pergolakan politik antarabangsa mutakhir ini yang mempamerkan satu suasana ketidakstabilan hubungan antarabangsa yang amat kritikal. Dewan juga memerhatikan dengan penuh kerisauan lagak politik Amerika Syarikat di bawah Presiden Trump, politik Eropah ekoran keputusan Brexit oleh Britain, politik Russia oleh Presiden Putin yang antara lain telah mengakibatkan Ukraine diceroboh dan penembakan pesawat MH17, dan lebih dekat lagi, politik Republik Rakyat China yang menuntut sebahagian Lautan China Selatan sebagai wilayahnya.

Maka, sebagai satu langkah peringkat negara dan serantau untuk menghadapi krisis ini, Dewan ini memutuskan untuk mempertegaskan dan menggerakkan semula dengan sungguh-sungguh dasar Asia Tenggara sebagai satu rantau yang aman, bebas dan berkecuali atau ZOPFAN yang telah dipersetujui dan dimeterai pada 27 November 1971 oleh Malaysia, Indonesia, Filipina, Thailand dan Singapura.”

[Menteri Luar Negeri]

21. PR-1351-U(27)012

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1MDB (1Malaysia Development Bhd) di bentang dan dikemukakan untuk perbahasan di Dewan Rakyat dengan kadar segera.”

[Perdana Menteri]

22. PR-1351-U(27)013

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya YAB. Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember”.

[Perdana Menteri]

23. PR-1351-U(27)014

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya mengesyorkan kepada KBDYMM Seri Paduka Baginda Yang Dipertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera.”

[Perdana Menteri]

24. PR-1351-U(27)015

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu di mana Akta Majlis Keselamatan Negara 2016 di bentang dan dikaji semula di Dewan Rakyat dengan kadar segera.”

[Perdana Menteri]

25. PR-1351-U(27)016

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan supaya Sijil Peperiksaan Unified Examination Certificate (UEC) yang telah mendapat pengiktirafan antarabangsa diberi pengiktirafan penuh oleh Kerajaan Malaysia.”

[Menteri Pendidikan]

26. PR-1351-U(27)017

Tuan Nga Kor Ming [Taiping] akan mencadangkan :-

“Bahawa Dewan yang mulia ini meluluskan satu ketetapan secara sebulat suara selaras dengan semangat Perlembagaan Persekutuan tahun 1957 dan prinsip "one man, one vote", mana-mana persempadanan semula kawasan pilihan raya jumlah bilangan pengundinya tidak boleh melebihi perbezaan 15% di antara semua kawasan pilihan raya di negara ini.”

[Perdana Menteri]

27. PR-1351-U(27)018

Tuan M. Kula Segaran A/L V. Murugeson [Ipoh Barat] akan mencadangkan :-

“Bahawa Dewan ini mengambil maklum penubuhan entiti persendirian yang dikenali sebagai MyEG menduakan kerja Kementerian Dalam Negeri. MyEG sebagai satu agensi di antara Kementerian Dalam negeri dan orang awam adalah tidak diperlukan, membazirkan sumber-sumber dan mengenakan fi yang tidak berpatutan kepada orang awam. Penubuhan entiti ini mempersoal integriti Kerajaan dan menggalakkan amalan korupsi.”

[Menteri Dalam Negeri]

28. PR-1351-U(27)019

Tuan Liew Chin Tong [Kluang] akan mencadangkan :-

“Bahawa Dewan ini menggesa Kerajaan untuk mengumumkan laporan penuh Jawatankuasa Siasatan Bebas mengenai kejadian kebakaran Hospital Sultanah Aminah Johor Bahru pada 25 Oktober 2016 untuk makluman dan pengetahuan rakyat tentang punca-punca berlakunya kebakaran tersebut. Kerajaan juga didesak untuk menyatakan langkah-langkah yang akan diambil untuk mencegah dan mengelakkan tragedi kebakaran berulang lagi di mana-mana hospital atau pusat perubatan.”

[Menteri Kesihatan]

29. PR-1351-U(27)020

Tuan Liew Chin Tong [Kluang] akan mencadangkan :-

“Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti dibawa ke Parlimen di bahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara”.

[Perdana Menteri]

30. PR-1351-U(27)021

Tuan Liew Chin Tong [Kluang] akan mencadangkan :-

“Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2017, anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM4.92 bilion dan RM11.019 bilion yang membawa kepada jumlah keseluruhan RM15.94 bilion”.

[Menteri Kewangan]

31. PR-1351-U(27)022

Tuan Hee Loy Sian [Petaling Jaya Selatan] akan mencadangkan :-

“Dewan ini mengambil maklum bahawa Bajet 2016 sebanyak RM50 juta yang diperuntukkan kepada SJK (C) tidak disalurkan pada tahun yang ditetapkan. Dewan yang mulia ini hendaklah mengambil ketetapan bahawa semua peruntukan bajet yang diluluskan di Parlimen haruslah disalurkan kepada pihak yang sewajarnya pada tahun yang berkenaan juga”.

[Menteri Kewangan]

32. PR-1351-U(27)023

Tuan Hee Loy Sian [Petaling Jaya Selatan] akan mencadangkan :-

“Dewan ini mengambil maklum bahawa banyak pengusaha teksi persendirian mahu pun berdaftar di bawah syarikat swasta menghadapi kesukaran dan ada yang terpaksa menutup operasi mereka.

Dewan ini juga mengambil maklum bahawa salah satu punca permasalahan ini adalah dengan kewujudan Uber dan GrabCar yang jauh lebih efisien daripada operasi mereka melalui penggunaan teknologi aplikasi dengan menggunakan telefon pintar. Maka dengan menyedari hakikat ini, Dewan yang mulia ini hendaklah membahaskan langkah-langkah strategik bagi menyelamatkan pengusaha teksi yang ada dalam menghadapi persaingan daripada Uber dan GrabCar ini”.

[Perdana Menteri]

33. PR-1351-U(27)024
Tuan Hee Loy Sian [Petaling Jaya Selatan] akan mencadangkan :-

“Bahawa Dewan ini menolak pembinaan jana kuasa tenaga nuklear di Malaysia yang akan memudaratkan alam sekitar sekiranya berlaku kecuaian dan bencana. Dewan ini juga haruslah membuat ketetapan bahawa sekiranya ia ingin tetap diteruskan harus mendapat referendum sokongan daripada rakyat”.

[Perdana Menteri]

34. PR-1351-U(27)025
Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, lebih dari 200 ribu pelajar-pelajar setiap tahun akan menduduki peperiksaan SPM. Ada yang berjaya melanjutkan pelajaran ke tahap yang lebih tinggi dan ada yang gagal. Di sinilah jurang pemikiran akan berlaku. Yang berjaya mara terus dalam pelajaran akan mendapat pendedahan yang baik dan akan menjadi warga dan anak bangsa yang berguna kepada masyarakat. Tetapi yang gagal akan teraba-raba dan menanggung risiko terbabas dari landasan yang diharapkan.

Adalah dicadangkan semua pelajar lelaki lepasan SPM dimasukkan ke dalam Program Khas Khidmat Negara / National Service selama dua tahun. Enam bulan pertama dilatih dari segi fizikal dan mental serta ilmu kewarganegaraan. Selebihnya setahun setengah lagi mereka ditempatkan dalam Angkatan Tentera Malaysia atau PDRM. Sebaik sahaja mereka tamat menjalani penempatan di ATM atau PDRM mereka hendaklah digalakkan meneruskan pelajaran sama ada jurusan akademik atau vokasional mengikut kelayakan mereka. Dengan cara ini masalah remaja dapat dikurangkan walaupun tidak diselesaikan. Banyak negara-negara lain telah melaksanakan program ini dengan jayanya”.

[Menteri Pertahanan]

35. PR-1351-U(27)026

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, semangat kekitaan dan berpasukan hendaklah ditanam dalam jiwa setiap pelajar sekolah. Setiap pelajar di sekolah rendah atau menengah hendaklah diwajibkan menyertai satu pasukan beruniform dan mereka hendaklah mendapat didikan dari guru-guru yang terlatih dalam bidang-bidang tertentu yang berhubung dengan pasukan tersebut. Sehari dalam seminggu sekolah hendaklah memperuntukkan agar guru-guru dan pelajar-pelajar memakai uniform pasukan masing-masing ke sekolah. Dengan itu pelajar-pelajar akan merasa bangga dengan pasukan mereka dan ini akan membina semangat kekitaan di kalangan pelajar-pelajar dan guru-guru”.

[Menteri Pendidikan]

36. PR-1351-U(27)027

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, ramai ibu bapa mengeluh kos menghantar anak-anak ke sekolah makin meningkat mahal. Ini termasuk kos belanja makan harian anak-anak di sekolah. Oleh kerana kos juga pengusaha kantin akan menyediakan makanan yang kurang kualiti dan tidak berzat, malah ada yang membahayakan termasuk menggunakan perisa tiruan dan pemanis yang dilarang oleh Kementerian.

Satu kempen "membawa makanan dari rumah" yang melibatkan banyak Kementerian dan Jabatan hendaklah dimulakan. Jika makanan dibawa dari rumah sudah pasti ianya bersih, berzat dan jauh dari keracunan. Pelajar juga mesti digalakkan membawa air masak putih dari rumah dan dengan ini akan mengelakkan mereka dari meminum air bergas dan air manis yang merosakkan kesihatan pelajar-pelajar. Tindakan membawa makanan dari rumah bukan sahaja memastikan kesihatan terjamin juga mengurangkan kos menghantar anak-anak ke sekolah”.

[Menteri Pendidikan]

37. PR-1351-U(27)028

Dato' Johari Bin Abdul [Sungai Petani] akan mencadangkan :-

“Bahawa Dewan ini mengambil maklum bahawa, ramai kakitangan awam yang ada ilmu berniaga dan ada yang terlibat dengan perniagaan secara sampingan. Ramai yang mahu menceburkan diri dalam perniagaan secara langsung tetapi sayang akan hilang pencen jika berhenti dari perkhidmatan awam. Akhirnya mereka berada dalam dua alam dan tidak fokus kepada tugas sebenar. Adalah dicadangkan Kerajaan mengkaji semula dasar membenarkan kakitangan awam berhenti dari perkhidmatan dan mendapat pencen.

Adalah dicadangkan jika seseorang kakitangan awan telah berkhidmat selama 21 tahun mereka boleh berhenti dan mendapat pencen. Ini samalah dengan anggota Angkatan Tentera Malaysia. Jika ini boleh dilakukan kita akan melihat mereka yang terlibat dalam perniagaan datang dari mereka yang ada pengalaman dan ada networking. Di samping itu tempat yang dikosongkan oleh mereka akan diisi oleh ramai lulusan pengajian tinggi yang tidak mempunyai kerja yang tetap atau sesuai”.

[Perdana Menteri]

38. PR-1351-U(27)029

Tuan Fong Kui Lun [Bukit Bintang] akan mencadangkan :-

“Bahawa dewan mencadangkan Kerajaan supaya mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun Negara telah menjadi Negara merdeka dan berdaulat sejak 60 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi Negara secara bersama dan merealisasikan Impian Malaysia”.

[Perdana Menteri]

39. PR-1351-U(27)030

Tuan Fong Kui Lun [Bukit Bintang] akan mencadangkan :-

“Bahawa dewan mencadangkan Kerajaan memulihkan pilihan raya kerajaan tempatan seluruh Negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat”.

[Menteri Kesejahteraan Bandar, Perumahan Dan Kerajaan Tempatan]

40. PR-1351-U(27)031

Tuan Manivannan A/L Gowindasamy [Kapar] akan mencadangkan :-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan.

Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama”.

[Menteri Kesejahteraan Bandar, Perumahan Dan Kerajaan Tempatan]

41. PR-1351-U(27)032

Tuan Manivannan A/L Gowindasamy [Kapar] akan mencadangkan :-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh pakar perubatan forensik sendiri bagi mewakili pihak keluarga si mati semasa bedah siasat dijalankan”.

[Menteri Dalam Negeri]

42. PR-1351-U(27)033

Tuan Manivannan A/L Gowindasamy [Kapar] akan mencadangkan :-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia”.

[Menteri Pendidikan]

43. PR-1351-U(27)034

Tuan Wong Sze Phin @ Jimmy [Kota Kinabalu] akan mencadangkan :-

“Bahawa Kerajaan Malaysia mengiktiraf Sijil Peperiksaan Bersepadu Sekolah-sekolah Menengah Persendirian Cina di Malaysia (Certificate of Unified Examination for Independent Chinese Middle Schools in Malaysia) ataupun UEC sebagai sijil peperiksaan yang setaraf dengan Sijil Tinggi Pelajaran Malaysia (STPM).

Di Sabah, ibu bapa dari kaum dan bangsa selain Cina turut menerima dan memilih sistem pendidikan Sekolah Menengah Persendirian Cina. Malahan, jumlah pelajar di Sekolah - sekolah Menengah Persendirian Cina di Sabah yang bukan dari keturunan Cina adalah antara 25% sehingga 85%.

Kerajaan Sarawak telah mengiktiraf UEC sebagai peperiksaan yang diterima oleh perkhidmatan awam Sarawak. Kerajaan pusat juga telah berkali-kali menyatakan pertimbangan dalam mengiktiraf UEC.

Lebih 100 universiti dari 12 negara seperti Australia, UK, US dan lain-lain telah mengiktiraf UEC dan diterima sebagai sijil untuk memasuki universiti dan pusat pengajian tinggi sejak lebih tiga puluh tahun yang lepas.

Di sini, saya menggesa Dewan ini mengambil ketetapan untuk meluluskan cadangan bahawa UEC diterima oleh semua universiti, pusat pengajian tinggi tempatan dan juga perkhidmatan awam di Malaysia”.

[Menteri Pendidikan]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2017</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.3	Laporan Tahunan Suruhanjaya Hak Asasi Manusia Malaysia (SUHAKAM) 2016	3 April 2017

****UCAPAN-UCAPAN**
(PERATURAN MESYUARAT 17 BAHARU)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 3.4.2017 (Isnin)	1. YB Datuk Mohd Idris Bin Jusi (Batu Pahat)	1. Industri Kelapa Sebagai "sun-rise industry: Bagaimana Perancangan Dan Perlaksanaan Kerajaan Bagi Mencapai Matlamat	1. YB Menteri Pertanian dan Industri Asas Tani
2. 3.4.2017 (Isnin)	2. YB Tuan Wong Sze Phin @ Jimmy (Kota Kinabalu)	2. Apakah Tindakan Kerajaan Persekutuan Untuk Menyelesaikan Masalah Kanak-Kanak Yang Tiada Dokumen Pengenalan Diri Dan Tanpa Warganegara Di Sabah	2. YB Menteri Dalam Negeri

**** Ucapan-ucapan Di Bawah Usul Berkenaan Perkara Tadbir Kerajaan (Peraturan Mesyuarat 17 Baharu)**